

內悉髮垢穢臭氣不淨又軍行在道大小便
 利急卒不可臨時解頭取之如前佛髮不許
 便利纖處安置准此
 經像亦同前法也
 時節部第九

如十二遊經增一阿舍長阿舍等並云二十
 九出家增一阿舍二十年在外道法中今推
 大例如來在世七十九年若二十九出家三
 十五成道所可化物唯應四十五年而禪要
 經云釋迦一身化衆生三十九年諸經多十
 九出家應以爲正故未曾有經云耶輸陀羅
 言如來取我未過三年既瑞應經云太子年
 十七納妃便證十九出家是正也若二十九
 年出家三十五成道經中益少且云二十年
 外道中學便是五十方始成道足知誤矣良
 由衆生根行不同見有同異

會同數第十 述曰謂世代流遠戎華音
 隔譯人不同受言各異雖欲會隨終無定准
 夫一代之書群賢相襲遂令亥豕換文魚魯
 易韻況國有中外書則雲鳥以此往來難得
 盡一又如黃帝三面樂臣一足言無胡漢事

有楚越況邪業易聆正法難悉言有中邊迴
 換書之而得審定無異說者哉

法苑珠林卷第十 杜十

瘞抽音踪音璵以諸琨音玷余廉猶音摺音撫上
 之運反石反釵音娉反正反巧反莫反旬反馨反涉反恤反雪反律反
 漿音胤反羊音膺反丑反恭反陰於今噤音哨上魚反容反

翁音筌筌筌上此此解反反反鉞反鉞反下下側反救反反反曉音陶音黛反
 代音膝反千候靴必駕反鞘仙妙反觚音蠶反落下關反
 反代代反職反

法苑珠林卷第十一 之十四 葉一

大唐上都西明寺沙門 道世撰

成道部第十二 此部有

- 述意部 乞食部 學定部 苦行部
- 乳糜部 草坐部 降魔部 成道部
- 天讚部 變化部

述意部第一

蓋聞大聖應期有感必形蔭覆十方化周三
界是四生之導首六趣之舟航至如兜率上
生閻浮現滅冠日處胎殞星晦迹林微尼園
啓四八之瑞畢利义樹放十種之光鑒彼四
門指茲五欲捨嚴城而獨往依道樹而超登
合四鉢於連河度五隣於鹿苑蕩愛著於縣
區溘塵冥於曩劫慧日既開光清八嶽立功
闡化慈照四生敷演一音各隨類解像教攸
興其來久矣

乞食部第二

如四分律云尔時菩薩漸漸遊行從摩竭國
界往至婆羅閱城於彼止宿明旦入城乞食
顏貌端正屈伸俯仰行步庠序視前直進不
左右顧眄著衣持鉢入羅閱城乞食時摩竭
王在高樓上諸目前後圍繞遙見菩薩入城
乞食行步庠序即向諸目以偈讚之王即遣
信問比丘欲何所詣菩薩答之山名班荼婆

當於止宿使人速還返曰王如是事王聞彼
使言即嚴好象乘衆人共尋從即往礼菩薩時
王語太子言今可於此住我舉國一切所有
及脫此寶冠相與可居王位治化我當爲臣
時菩薩報言我捨轉輪王出家學道豈可於
此邊國王位而處俗耶王今當知猶如有人

曾見大海水後見牛跡水豈可生染着心此
亦如是豈可捨轉輪王習粟散小王位此事
不然時王前白言若成無上道者先詣羅閱
城與我相見菩薩報言可尔尔時王即礼菩
薩足繞三匝而去又佛本行經云菩薩爲摩
伽陀國王說云大王我等今實不畏彼毒蛇
亦復不畏天雷霹靂亦復不畏於猛火焰被
大風吹燒野澤者但畏五欲境界所逼何以
故諸欲無常猶如劫賊盜諸功德尔時菩薩
即說偈言

五欲無常害功德

六塵空幻損衆生

世間果報本誑人

智者誰能暫停住

索未林士

愚癡天上不滿意
欲穢染著不覺知
往昔頂生聖王主
復得帝釋半座居
假令盡王此大地
世人嗜欲不知厭

况復人間得稱心
猶如猛火燃乾草
降伏四域飛金輪
忽起貪心便墮落
心猶更欲攝他方
如巨海納諸流水

大王當知彼須弥山下有阿脩羅然其兄弟
各為貪愛一玉女二人相爭而自鬪戰傷害
俱死便說偈言

往昔脩羅兩兄弟
為一玉女自相殘
骨肉憐愛染着增
智人觀知不貪欲

菩薩又言或為五欲故生天生人既得生已

著五欲故投身透水或復赴火為五欲故自
求怨讎又說偈言

癡人愛欲故貧窮
繫縛傷殺受諸苦
意望此欲成眾事
不覺力盡後世殃

又佛本行經菩薩說偈言
假使恩愛久
共處至命盡
會別離見此

無常須臾間
是故我棄捨
恩愛永離別
志求無上道
願度一切人

學定部第三

如四分律云時菩薩即向阿藍迦藍所學不
用處定精進不久得證此法時菩薩捨之而
去後往鬱頭藍子處學有想無想定精進不
久得證此法菩薩思惟此兩處定非涅槃非
水寂休處不樂此法便捨二人而去更求勝
法時菩薩更求勝法者即無上休息法也時
有五人追逐菩薩念言若菩薩成道當與我
等說法又佛本行經云阿羅邏仙人報菩薩
云諸凡夫人愛於貪欲受繫縛等苦一切皆

由境界而說偈言
山羊被殺因聲死
飛蛾投燈由火色
水魚懸釣為吞餌
世人趣死以境牽
又新婆沙論云佛為菩
薩時歎老病死出劫比羅伐率堵城求無上智
時淨飯王釋種五人隨逐給侍二是母親三是
父親母親二人執受欲樂行得淨父親三人執苦

山羊被殺因聲死
飛蛾投燈由火色
水魚懸釣為吞餌
世人趣死以境牽
又新婆沙論云佛為菩
薩時歎老病死出劫比羅伐率堵城求無上智
時淨飯王釋種五人隨逐給侍二是母親三是
父親母親二人執受欲樂行得淨父親三人執苦

行得淨當於菩薩修苦行時母親二人心不忍
可即便捨去菩薩後知苦行非道捨而受食羹
飯酥乳以油塗身習處中行父親三人咸謂菩
薩狂亂失志亦復捨去後世尊成佛即作是念
彼皆是我父母親族先來恭敬供養於我今欲
酬報為何所在天即白言今在婆羅痲斯國仙

人鹿苑

如前事

問何故名婆羅痲斯答此是河名

去其不遠造立王城是故此城亦名婆羅痲斯
問何故名仙人論處答若作是說諸佛定於此
處轉法輪者彼說佛是最勝仙人皆於此處初
轉法輪故名仙人論處若作是說諸佛非定於
此轉法輪者彼說應言仙人住處謂佛出世時
有佛仙及聖弟子仙衆所住佛不出世時有獨
覺仙所住若無獨覺時有世俗五通仙住以此
處恒有諸仙已住今住當住故名仙人住處
有說應言仙人墮處昔有五百仙人飛行山
中至此遇退因緣一時墮落問何故名施鹿
林答恒有諸鹿遊止此林故名鹿林昔有國

王名梵達多以此林施與群鹿故名施鹿林
如羯蘭鐸迦長者於王舍城竹林園中穿池
以施羯蘭鐸迦鳥令其遊戲因名施羯蘭鐸
迦池此亦如是故名施鹿林

善見論其形如鷓鴣

苦行部第四

爾時菩薩於此鹿林在五拘隣比丘所學於

索書士

四

公

苦行經於六年極生辛苦過其本師以自餓
故而不得道徒勞疲形故涅槃經云菩薩當
以苦行自誠其心日食一胡麻經一七日杭
米紅豆麻子栗糜及以白豆亦復如是各一
七日如是修苦行時一切皮肉銷瘦皺滅如
斷生瓠置之日中其目坎陷如升底星寅盡
肋出如朽草屋脊骨連現如重線埽所坐之
處如馬蹄跡欲坐則伏欲起則偃雖受如是
無利益苦然不退於菩提之心又菩薩處胎
經云佛告苦行菩薩昔我所更苦行無數於
左連河邊六年苦行日食麻米斯田曩昔向
一緣覺犯口四過斷絕一施重受輕報又大

集經云尔時光味菩薩為諸大衆而說偈言
 過去無量僧祇劫
 清淨尸羅及羸提
 安樂一切衆生故
 宮中六萬后妃嬪
 獨處六年修苦行

精進晝夜不睡眠
 菩提樹下思惟坐
 四方上下地及空
 如是魔軍及眷屬
 成就無上勝菩提

乳糜部第四

五

又佛本行經云尔時六年既滿至春二月十六日
 時內心自作如是思惟我今不應將如是食食
 已而證阿耨多羅三藐三菩提我今更從阿誰邊
 求美好之食誰能與我彼美食今我食已即便證
 取阿耨菩提時菩薩心如是思惟之時有一天子
 知菩薩心如是思惟速往詣於善生村主二女邊

至彼處已即告之言汝善生女汝若知時菩薩今
 欲求好美食菩薩今須取上美食食美食已然
 後欲證阿耨菩提汝等今可為彼備辦足十六
 分妙好乳糜是時善生村主二女聞於彼天如
 是告已歡喜踊躍遍滿其體不能自勝速疾聚
 集一千特牛而構取乳轉更將飲五百特牛
 更別日構此五百牛轉持乳將飲於二百五
 十特牛後日構此二百五十特牛之乳還更
 飲百二十五牛後日構百二十五牛之乳飲
 六十牛後日構此六十牛乳飲三十牛後日
 構此三十牛乳飲十五牛後日構此十五牛
 乳著於一分淨好杭米為於菩薩煮上乳糜
 其彼二女煮乳糜時現種種相或復出於滿
 華瓶相或現功德河水淵相或時現於卍字
 之相或現功德千輻輪相或復現於斛領牛
 相或現象王龍王之相或現魚相或時復現
 大丈夫相或復現於帝釋形相或時有現梵
 王形相或復現出乳糜向上涌沸上至半多

羅樹須臾還下或現乳糜向上向二一多羅樹訖還下或現出高一丈狀還入彼器無有一滴離於器而落餘處煮乳糜時別有一善解海筭數筭占相師來至彼處見其乳糜出現如是諸種相貌善占觀已作如是語希有希有是誰得此乳糜而食彼人食已不久而證甘露妙藥尔時菩薩至於二月二十三日於晨朝時至彼村主家大門之外默然而立欲求食女見即便取一金鉢盛貯安置和蜜乳糜滿其鉢中自執持向菩薩前到已即住向菩薩言唯願尊者受我此鉢和蜜乳糜憐愍我故時菩薩受彼乳糜持至_六尼連禪河有

糜訖以金鉢器棄擲河中時海龍王生大希有奇特之心復為菩薩歎現世故執彼金器擬欲供養將向自宮是時天主釋提桓因即化其身作金翅鳥金剛寶策從海龍邊奪取金鉢向切利宮三十三天恒自供養於今彼處三十三天立節名為供養金鉢器節從彼已來至今不斷尔時菩薩食糜已訖從座而起安庠漸漸向菩提樹彼之筌提其龍女還自收攝將歸自宮為供養故而有偈說菩薩如法食乳糜是彼善生女所獻食訖歡喜向道樹決定欲證取菩提 依宣律師住持感應記云具論因緣並在第十卷中灌帶部內述之時有四天王子告律師云世尊初成道第十一年於王舍城中須摩長者園內告諸大菩薩及大弟子曰我初踰城時至彼泝沙國路逢牧牛女我語云我有少飢渴從汝乞飲食彼女荅云汝何所往荅言求趣菩提又問名字何等荅言悉達彼女又白我言

我讀韋陀之典云不久有大智人當成正覺我觀仁者相貌音聲是諸佛相我作此山神經十六大劫過去諸佛我皆親覲汝可隨我往至住處當與汝飲食過去迦葉佛涅槃時付我一澡罐其頂上有雙龍繞下有獅子蹲拘留佛所製遞相付我迄至樓至佛此龍瓶內具足有八功德水汝若飢渴當飲此水能消煩惱增長菩提勿輕此小餅假使四大海水內此瓶中猶不能滿中有龍王此賢劫初三佛出世所有遺法多在瓶內與娑竭龍宮一無有二又迦葉佛付我香爐及一黃金函將付仁者其香爐前有十六頭半是獅子半是白象於二獸頭上別起蓮華臺以臺為爐相於爐四緣別起六銀樓樓出天童可長二寸如是諸天童合有九十六每燒香時是諸童子各各分番來付香爐後獅子向外而蹲踞從師子頂上有九龍盤繞上承金華花內有金臺即臺為寶子於臺寶子內有十三萬

億真珠大樓觀各盛諸妙香復有十三萬金牒毗尼藏中有比丘入于滅盡定若至燒香時其諸爐頭諸天童子來至寶臺所各各口出燒香歌曲臺門自開諸比丘從定而出從真珠觀取香付囑天童付已臺門自閉從九龍口中又銜白銀觀為臺眷屬而諸銀臺內皆有天童子常作天樂讚歎燒香其音清雅無可為比衆生聞者生信悟道如來每說法時在大衆前常執香爐天童取香來授與佛令之供養又有黃金函內盛太般若合三十億偈黃金為經牒白玉為界道白銀為字其函長三寸內有二比丘亦入滅定此函及爐是拘留佛所製次第付我乃至樓至佛諸佛欲興世皆開此金函披閱經典以般若力天魔不燒速登正覺今將付囑努力守護勿令損失我受得已於菩提樹下六年苦行常飲此瓶水故除飢渴煩惱亦消也又我初欲成道入河澡浴受二女乳糜至菩提樹下欲昇金

素

素

剛壇山神至我所即告我言汝命成道可依
往佛若初成道欲昇金剛壇先執香爐繞壇
可行七匝十方諸佛各手捻香付彼爐中今
既成道可依前佛佛依此法繞壇繞樹合三
十二匝十方諸佛亦前授香次命人王天王
釋梵龍王十地菩薩各前授香佛以威神香
聞十方上至有頂受苦衆生聞香解脫諸根
具足智慧增長種種神變不可具述又告梵
王執彼龍瓶水以灌世尊足人王天王帝釋
魔梵各次洗足地爲六種震動如來從足下
放金色光坐金色蓮華座十方諸佛各來投
香於光明中盧舍那佛出金色手摩釋迦佛
頂又說妙法我今十方佛欲白羯磨授釋迦
文佛成無上法王位諸佛秉此羯磨在金壇
上天人大衆無量恒沙聞佛羯磨一時寂然
猶如比丘入第三禪諸佛秉羯磨受法王位
已地之六種大動佛放光明普照十方廣作
佛事利益凡聖不可具述 草坐部第五

如佛本行經云尔時菩薩於河澡浴食乳糜
沐身體竟光儀平復如本威力自在安庠面
向菩提樹菩薩思惟此菩提道場欲作何座
即自覺知應坐草上是時淨居天白菩薩言
過去諸佛欲證菩提皆鋪平上而取正覺尔
時菩薩思惟誰能與我如是之草左右四顧
是時忉利天帝釋天主以天智知菩薩心已
即化其身爲刈草人去於菩薩不近不遠右
邊而立刈取於草其草青綠顏色猶如孔雀
王項柔軟滑澤而手觸時猶如微細迦尸衣
色妙而香右旋宛轉菩薩問彼人言賢善仁
者汝名字何彼人報言我名吉利菩薩思惟
我今欲求自身吉利亦爲他人以求吉利此
名吉利在於我前我今決當得證阿耨菩提
能與我草不其化人報言我能與草是時帝
釋即化作人刈草奉菩薩菩薩即取一把自
手執持當取草時其地即便六種震動將於
此草向菩提樹下持草中路忽有五百青雀

從十方來右繞菩薩三市訖已隨菩薩行又有五百拘翅羅鳥又有五百孔雀又有五百白鵝又有五百鴻鶴又有五百白鷗又有五百迦羅頻伽之鳥又有五百共命之鳥又有五百白象皆悉六牙又有五百白馬頭耳鳥黑鬃尾悉朱長而披散又有五百牛王並皆解領猶如黑雲是時復有五百童子五百童女各以種種諸妙瓔珞莊嚴其身又有五百天女五百寶瓶以諸香花滿於其中盛種種諸妙香水無人執持自然出行又世間中所有的一切吉祥之事皆從四方雲雨而來各在菩薩右邊圍繞三市已隨菩薩行一切諸天音樂空中歡喜歌讚菩薩不可具述 又瑞應本起經云釋提桓因化為凡夫執淨軟草菩薩問言汝名何等答名吉祥菩薩聞之心大歡喜破不吉以成吉祥 又觀佛三昧經云適施草座地則大動諸佛化作八萬佛樹師子之座或有佛樹高八千里四千里或高

百千由旬一切佛樹具足八萬大小不定今釋迦樹最短若干天衣而布其上 又觀佛三昧經云佛告父王如我踰出宮城去伽耶城不遠詣阿輪陀樹吉安天子等百千天子皆作是念菩薩若於此坐必須座具我今應當獻於天草即把天草清淨柔軟名曰吉祥

宋朱紫

菩薩受已鋪地而坐是時諸天復見白毛圍如三寸右旋宛轉有百千色流入諸相是諸天子各作是念菩薩今者唯受我草不受汝草時白毛中有萬億菩薩結跏趺坐各取其草坐此樹下二天子各見白毫中有如此相時有天子名曰悅意見地生草穿菩薩肉上生至肘告諸天子曰奇哉男子苦行乃尔不食多時喚聲不聞草生不覺即以右手申其白毛其白毛端直正長一丈四尺五寸如天白寶中外俱空天見毛內有百億光其光微妙不可具宣諸天見已歎未曾有即放白毛右旋宛轉還復本處是時降魔魔還天宮

白毛隨從直至六天無數天子天女見白毛孔通中皆空團圓可愛如梵王幢如來有無量相好不及白毫少分功德

降魔部第六 如因果經云四月七日世尊降魔于時落日停光明月映徹園林花果榮不待春智度論云尔時天魔將下八萬天魔

衆皆來惱佛佛以眉間微光照皆墮落

又觀佛三昧經云魔王心怒即欲直前魔子諫曰父王無辜自招瘡疣菩薩行淨難動如地云何可壞又雜寶藏經云昔如來樹下惡魔波旬將八十億衆欲來壞佛便語佛云汝獨一身何能坐此急可起去若不起者我捉

汝脚擲著海水佛言我觀世間無能擲我汝於前世時曾於一寺受一日八戒施辟支佛一鉢之飯故生六天為大魔王而我於三阿僧祇劫亦設供養聲聞緣覺不可計數魔言汝道我昔一日持戒施辟支佛食信有其實我亦自知汝亦知我汝自道者誰為證知佛

以手指地言此地證我作是語時一切大地六種震動地神即從金剛際出合掌白佛言我為作證有此地來我恒在中世尊所說其實不虛佛語波旬汝今先能動此澡瓶然後可能擲我海水尔時波旬及八十億衆不能令動魔王軍衆顛倒自墜破壞星散 又佛

本行經云尔時魔王波旬長子名曰商王即以頭頂禮菩薩足乞求懺悔口唱是言大善聖子願聽我父發露辭謝凡愚淺短猶如小兒無有智慧我今忽來惱亂聖子將諸魔衆現種種相恐怖聖子我於已前曾諮父言以忠正心雖有智人善解諸術猶尚不能降伏於彼悉達太子況復我等但願聖子恕亮我父我父無智不識道理如是恐怖大聖王子當何取生大聖王子願仁所誓早獲成就速證阿耨菩提 成道部第七 如普曜經云菩薩於樹下坐明星出時豁然大悟年至十九出家三十成道又依般若闍

論云樞樓頻螺林中成佛又自誓三昧經云
 初成佛時十方諸佛各送袈裟佛合成一服
 此衣今在梵天供養又空行三昧經云弥陀
 佛先我四劫得道維衛佛先我三劫得道有
 佛名能儒三十滅度迦葉佛十八得道我年
 二十七得道今從多為定十九出家三十成

道此文應允亦與餘義相應善見律云月生
 三日得一切智泥洹經云佛初出得道並四
 月八日今以為正 天讚部第八

如華嚴經云尔時如來以自在神力不離菩
 提樹坐及須彌山頂妙勝殿上夜摩天宮寶
 莊嚴殿趣兜率天宮一切寶莊嚴殿尔時兜

率天王承佛威神以偈頌曰 無礙如來猶
 滿月諸吉祥中寂第一來入眾寶莊嚴殿是
 故此處最吉祥 華嚴經云尔時如來威神
 力故十方一切諸佛世界諸四天下一一閻
 浮提皆有如來坐菩提樹下無不顯現尔時
 世尊威神力故不起此座昇須彌頂向帝釋

殿尔時帝釋即說偈言七佛定光諸佛等諸
 吉祥中寂無上彼佛曾來入此處是故此地
 最吉祥 尔時世尊威神力故不離道場及
 帝釋宮向夜摩天寶莊嚴殿尔時天王以偈
 頌曰 名稱如來聞十方諸吉祥中寂無上
 來入摩尼莊嚴殿是故此處最吉祥

變化部第九 依華嚴經云佛子一切諸佛
 於念念中悉能出生十無盡智何等為十六
 一念中悉現一切世界從兜率天命終於一
 念中悉現一切世界菩薩出家於一念中悉
 現一切世界菩薩出家於一念中悉現一切
 世界往詣道場菩提樹下成等正覺於一念

中悉現一切世界轉淨法輪於一念中悉現
 一切世界隨應化導一切眾生悉令解脫於
 一念中悉於一切世界現莊嚴身隨應眾生
 於一念中悉現一切世界種種莊嚴無數莊
 嚴如來自在一切智藏於一念中悉現一切
 世界清淨眾生於一念中遍一切世界悉現

華嚴經卷第十一

十三

三世一切諸佛於一念中為種種諸根精進
欲性故現顯三世諸佛種性成等正覺開導
衆生佛子是為一切諸佛於念念中生十無
盡智 又智度論云如何毗曇說一時無二
心者若化佛語時化主默然若化主語時化
佛亦應默然云何佛一時皆說六波羅蜜

答曰此如外道聲聞變化耳如佛變化無量
三昧力不可思議是故佛自語時無量千萬
億化佛亦一時皆語又諸外道及聲聞化不
能作化如佛世尊化復作化故諸外道聲聞
滅後不能留化如佛滅後能留如佛無異如
毗曇中一時無二心者今佛亦如是當化語時
亦不有心佛心念化欲令化語即便皆語

說法部第十三此別部

述意部 計機部 說益部

述意部第一 蓋聞大聖逗機影迹無方所
現之處無非利益故諦分真俗事決形心憑
假實而上征寄乘權而下比良由生老病死

無自出之期菩提涅槃有修入之證但內典
無邊應機而說故使法輪則奈國初轉僧侶
則憍陳始度至於迦葉兄弟目連朋友西
域之大勢東方遍告二十八天之主一十六
國之王莫不服道而傾心養風而合掌於是
他化宮裏乃弘十地耆闍山上方會三乘善

吉談無得之宗淨名顯不言之旨伏十仙之
外道制六群之比丘智前則吐納江河掌內則
搖動山谷論劫則方石屢盡辯數則微塵可
窮斯乃三界之大師萬古之獨步吾自庸才
談何以盡縱使周公之制禮作樂孔子之述
易刪詩子賜之言語商偃之文學爰及左元
放葛仙子河上公莊周之等並駢二於方內
何足道哉若我大師法人天軌模三千法式
洎流中夏益利弘深廣療三毒傳照百燈相
繼不絕胡可勝言 計機部第二
如華嚴經云如來出世譬如日出先照一切
諸大山王次照一切大山次照金剛寶山然
朱林十一

後普照一切大地然日光不作是意我當先
 照大山乃至後照大地由山有高下故照有
 前後如來亦尔平等普救然機有利鈍感佛
 前後見聞不同大小有異 依弥沙塞律云
 佛得道七日受解脫樂有五百乘車載石蜜
 外國典生路由樹過車主兄弟二人雖謂波
 利劄奉蜜麩四王奉鉢佛受之已為說三歸
 又更七日文鱗龍王奉非人食後過七日斯
 那奉食姊妹四人受三歸依復過七日梵王
 來請轉法輪 又普曜經云時梵王與六萬
 八千梵王眷屬來詣佛所稽首足下請轉法
 輪佛受請已言我宿命在波羅奈供養六百
 億佛應在此轉法輪由觀樹七日以報其恩
 故未說法 又智度論云佛成道已不即說
 法於五十七日今檢括機緣然後說法初七
 日思大乘法他第七七日用於小乘以擬眾
 生又菩薩瓔珞經云當轉法輪在鹿野清明園
 為久飢虛者潤於甘露法 又中本起經云

世尊念言吾曾路由梵志阿蘭迦蘭待吾有
 禮應往度之天空中曰此二人已亡七日又
 念應度鬱頭藍弗天復告云昨日命終又念
 父王曾遣五人一名拘隣二名頰陞三名跋
 提四名十力迦葉五名摩訶男執侍功勤應
 往度之 又轉法輪經云佛在鹿野樹下時
 空中有自然法輪飛來當佛前而轉佛以手
 撫之止吾無始來為名色轉今愛意盡不復
 流轉輪即便住又十二遊經云佛從四月八
 日至七月十五日坐樹下為一年二年於鹿
 野園中為五人說法三年為鬱鞞迦葉兄弟
 三人說法滿千比丘四年在象頭山為龍鬼
 說法五季時度舍利目連舍利七日得上果
 目連十五日得上果六年須達共祇陀為佛
 立精舍有十二佛圖寺有七十二講堂有三
 千六百間屋有五百樓閣七季在拘耶尼園
 為婆陀和菩薩等八人說般若經此經一卷
 明苦行八季在柳山為中真陀羅王弟說法九季在

穢澤中為阿極摩說法十季遂摩竭國為弗沙王說法十一季在恐懼樹下為弥勒說本起經即修行本起是十二年還父王國為釋氏八萬四千人說法又中本起經云世尊在摩竭提國六年將還本國王遣優陀延迎佛疑此異前未詳孰定又普曜經云有梵志名優陀王命迎佛別以十二年思得相見佛七日後還本土又分別功德經云佛還本土足昇空行與人頭齊使父王接足而已不欲屈身又大集經云佛成道十六年知諸菩薩任持法藏即於欲色界中間出大寶階大眾俱登中階即上昇虛空又分別功德經云若不得說經處但稱在舍衛以佛在其國二十五年比在諸國此住寂久以其中多諸珍異人多有義祇樹精舍有神異驗眾集之時栴猴飛鳥群類數千悉來聽法寂寞無聲事竟即去各還所止捷雅適鳴已復來集此由國多仁慈故異類影附故智度論云舍衛城

有九億家三億明見佛三億信而不見三億不見不聞佛二十五年在彼尚尔若得多信利益無窮說益部第三依菩薩處胎經云尔時世尊示現奇特異像變一切菩薩盡作佛身光相具足皆共異口同音說法于相敬奉各坐七寶極妙高座初十六一說法純男無女第二說法純女無男第三說法純度正見人第四說法純度邪見人第五說法男女正等第六說法邪正亦等當尔之時法法成就而無吾我道果成熟諸佛常法說義神足第七八萬四千空行法門第八八萬四千無相法門第九八萬四千無願法門一一法門有無量義猶如點慧之人身有千頭頭有千舌舌有千義欲得究盡此九法門義於百千分未獲其一此是諸佛秘要之藏皆由前身宿學成就廣明說益修在諸篇

法苑珠林卷第十一

葉一